



Broj: 03-16-8-1251-8/17
Sarajevo, 15.6.2017.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1251-7/17, od 14.6.2017., u postupku agregata (UPS uređaja) za Bijelu salu Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1251-7/17, od 14.6.2017. i Ugovor o nabavci agregata (UPS uređaja) za Bijelu salu Parlamentarne skupštine Bosne i Hercegovine dodjeljuje se ponuđaču ENERGOINVEST - SUE d.d. Sarajevo, čija ukupna cijena ponude za jedan novi UPS Eaton 93 E 15 kVA s kompletnom konfiguracijom i godišnjim pregledima u periodu garancije, iznosi 7.840,00 KM bez PDV-a, odnosno 9.172,80 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične i ekonomsko-finansijske sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.9. Tenderske dokumentacije za konkurentski zahtjev za dostavu ponuda za nabavku agregata (UPS uređaja) za Bijelu salu Parlamentarne skupštine Bosne i Hercegovine, broj: 03-16-8-1251-4/17, od 26.5.2017.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Ugovora dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnijeg ponuđača pod uslovom da žalba nije uložena.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupu javne nabavke, shodno članu 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju javne nabavke agregata (UPS uređaja) za Bijelu salu Parlamentarne skupštine Bosne i Hercegovine, broj: 03-16-8-1251/17, od 10.5.2017. Ukupna procjenjena vrijednost nabavke iznosila je 10.000,00 KM sa

PDV-om. Komisija za nabavke imenovana je Odlukom Kolegija Sekretarijata, broj: 03-16-8-1039/17, od 18.4.2017. Javna nabavka provedena je putem konkurentskog zahtjeva za dostavu ponuda. Tenderska dokumentacija, broj: 03-16-8-1251-4/17, od 26.5.2017. objavljena je u Sistemu „E-nabavke“, kao i Obavještenje o nabavci broj: 166-7-1-19-3-6/17, od 26.5.2017. Poziv za preuzimanje tenderske dokumentacije sa Portala javnih nabavki upućen je na adrese četiri ponuđača i to:

- Mibo komunikacije d.o.o. Sarajevo
- Toscana d.o.o. Banja Luka
- Middle point d.o.o. Sarajevo i
- Energoinvest Sue d.d. sarajevo

Tendersku dokumentaciju za nabavku agregata (UPS uređaja) za Bijelu salu Parlamentarne skupštine BiH sa Portala javnih nabavki preuzelo je ukupno 24 ponuđača. Postavljen je i jedan neblagovremen zahtjev za pojašnjenje Tenderske dokumentacije.

Do termina zakazanog za predaju ponuda odnosno do 9.6.2017. do 13,00 sati za ovu nabavku pristigle su dvije ponude i to:

Redni broj zaprimanja ponuda	Naziv i sjedište ponuđača
1.	ENERGOINVEST - SUE d.d. Sarajevo, ul. Tvornička broj 3, 71 000 Sarajevo
2.	ALBAT d.o.o. Sarajevo, ul. Pavla Lukača broj 7, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1251-5/17, od 9.6.2017., Zapisnik o otvaranju ponuda od 9.6.2017. i Zapisnik o pregledu i ocjeni ponuda, broj: 03-16-8-1251-7/17, od 14.6.2017., sa preporukom o izboru najpovoljnijeg ponuđača.

Zapisnikom je konstatovano da je u toku evaluacije Komisija utvrdila da ponuda ponuđača Albat d.o.o. Sarajevo nije prihvatljiva za Ugovorni organ jer dimenzija (D) ponuđenog uređaja iznosi 840/850mm što nije u skladu s maksimalno dozvoljenom dimenzijom (D) 805 mm zahtijevanom tenderskom dokumentacijom, kao i zbog toga što iz dostavljenog kataloga nije vidljiva usklađenost ponuđenog uređaja sa ISO 9001 i ISO 14001 na način kako je zahtijevano tenderskom dokumentacijom (detaljnije u tabeli iz Zapisnika o pregledu i ocjeni ponuda).

Također je konstatovano da je Komisija utvrdila da je ponuda ponuđača ENERGOINVEST - SUE d.d. Sarajevo prihvatljiva za ugovorni organ, jer ispunjava sve formalno pravne, lične, ekonomsko-finansijske i tehničke/profesionalne uslove, odnosno zahtjeve ugovornog organa za nabavku agregata (UPS uređaja).

Dalje je istaknuto da predviđena E-aukcija nije zakazivana u skladu s članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16), jer je jedna ponuda prihvatljiva za Ugovorni organ. Navedeno je i da obje ponude ne potpadaju pod primjenu preferencijalnog tretmana za domaću ponudu.

Također je konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „najniža cijena“ i rezultatima E-aukcije, jer je samo jedna ponuda prihvatljiva za ugovorni organ i to:

Ponuđač	Naziv ponuđenog agregata (UPS uređaja), proizvođač, tip/model	Količina	Ukupna cijena ponude za predmetnu nabavku s kompletnom konfiguracijom,	Rang

			uračunatim popustom (ukoliko je ponuđen) i PDV- om	
ENERGOINVEST - SUE d.d. Sarajevo	UPS Eaton 93E 15 kVA	1 komad	9.172,80 KM	1 (prvi)

Shodno navedenom, Komisija za nabavke preporučila je Kolegiju Sekretarijata (Zapisnik, broj: broj: 03-16-8-1251-7/17, od 14.6.2017. u prilogu), da u postupku nabavke agregata (UPS uređaja) za Bijelu salu Parlamentarne skupštine BiH, donese Odluku o izboru najpovoljnijeg ponuđača za ENERGOINVEST - SUE d.d. Sarajevo, čija ukupna cijena ponude za jedan novi UPS Eaton 93 E 15 kVA s kompletnom konfiguracijom i godišnjim pregledima u periodu garancije, iznosi 7.840,00 KM bez PDV-a, odnosno 9.172,80 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se ENERGOINVEST - SUE d.d. Sarajevo izabere za realizaciju Javne nabavke agregata (UPS uređaja) za Bijelu salu Parlamentarne skupštine Bosne i Hercegovine putem Ugovora, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerk a u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- ENERGOINVEST - SUE d.d. Sarajevo, ul. Tvornička broj 3, 71 000 Sarajevo
- ALBAT d.o.o. Sarajevo, ul. Pavla Lukača broj 7, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____